



Na osnovu člana 35. Zakona o izvršavanju Budžeta Unsko-sanskog kantona za 2026. godinu („Službeni glasnik Unsko-sanskog kantona“, broj 1/26) i Odluke o kriterijima dodjele sredstava odobrenih u Budžetu Unsko-sanskog kantona za 2026. godinu putem Ministarstva privrede sa pozicije Grantovi neprofitnim organizacijama-Komore, broj: 03-02-44-498/2026 od 16.4.2026. godine, Ministarstvo privrede objavljuje:

JAVNI POZIV

za odabir korisnika sredstava po Odluci o kriterijima dodjele sredstava odobrenih u Budžetu Unsko-sanskog kantona za 2026. godinu putem Ministarstva privrede sa pozicije Grantovi neprofitnim organizacijama-Komore

I PREDMET JAVNOG POZIVA

Predmet Javnog poziva je prikupljanje prijava za odabir korisnika sredstava po Odluci o kriterijima dodjele sredstava odobrenih u Budžetu Unsko-sanskog kantona za 2026. godinu putem Ministarstva privrede sa pozicije Grantovi neprofitnim organizacijama-Komore, sa sjedištem na području Unsko-sanskog kantona (u daljnjem tekstu: Kanton) za realizaciju projekata iz oblasti poduzetništva, obrta, turizma i saobraćaja.

II PRAVO UČEŠĆA

Pravo učešća imaju Komore registrovane u skladu sa Zakonom o privrednim komorama u Federaciji BiH („Službene novine Federacije BiH“, br. 35/98 i 34/03) i Zakonom o obrtu i srodnim djelatnostima u Federaciji BiH („Službene novine Federacije BiH“, broj 75/21).

III USLOVI ZA DODJELU SREDSTAVA

Pravo na dodjelu sredstava imaju Komore definisana tačkom II Javnog poziva, koja ispunjavaju opće i posebne uslove:

a) Opći uslovi su:

- da imaju sjedište na području Kantona,
- da se projekat realizuje na području Kantona,
- da realizuju projekte usmjerene na područja iz oblasti koje su u nadležnosti Ministarstva, iz oblasti poduzetništva, obrta, turizma i saobraćaja

b) Posebni uslovi su:

- da je projekat u skladu sa ciljevima i prioritetima iz Javnog poziva,
- da vlastito učešće u ukupnoj vrijednosti projekta iznosi najmanje 5%,
- da su opravdale dodijeljena sredstva ovog Ministarstva iz prethodne tri godine (od 2023. do 2025. godine) i izvršili povrat sredstava, ukoliko su imala tu obavezu, do dana zatvaranja Javnog poziva,
- da do dana objave Javnog poziva nisu dobile sredstva za iste projekte iz budžeta Vlade Kantona, Ministarstva ili drugog izvora,
- da je podnesen potpun i uredno popunjen Prijavni obrazac (Aneks I) sa svom propisanom dokumentacijom,
- da su troškovi projekta realni, opravdani i direktno vezani za realizaciju projektnih aktivnosti.

IV SREDSTAVA ZA IMPLEMENTACIJU

Sredstva za implementaciju utvrđena su u Budžetu Unsko-sanskog kantona za 2026. godinu, budžetski korisnik Ministarstvo privrede (u daljnjem tekstu: Ministarstvo) na ekonomskom kodu 614300, subanalitika FAN018 - „Grantovi neprofitnim organizacijama-Komore“ u iznosu od 100.000,00 KM.

V NAMJENA UTROŠKA SREDSTAVA I ROK ZA IMPLEMENTACIJU

Sredstva iz tačke IV Javnog poziva namijenjena su za sufinansiranje projekata koji doprinose razvoju poduzetništva, obrta, turizma i saobraćaja, te općem razvoju Kantona. Projekti moraju biti predloženi u Prijavnom obrascu, a odnose se na sljedeće projektne aktivnosti: edukacije, promocije, sajmove, inicijative od značaja za članove komora, dodjelu nagrada, kao i druge projektne aktivnosti.

Neprihvatljivi troškovi za koje se ne mogu koristiti sredstva su: troškovi tekućih komunalnih usluga (odvoz smeća, vode i plina), troškovi električne energije, telefona, knjigovodstvenih usluga i slično, lični dohodak (plate, porezi i doprinosi, naknade za službena putovanja – dnevnice), troškovi plaćeni gotovinom (npr. otkupni blok i drugo), bilo koje druge naknade predsjednika i uposlenika komora. Neprihvatljivi troškovi su i troškovi po osnovu nabavke roba, usluga i radova od lica koja nisu registrovana kao poslovni subjekti, kao i od i lica koja spadaju u kategoriju povezanih lica (predsjednik i uposlenici komora). Troškovi nastali van odobrenog perioda trajanja projekta. Neopravdano visoki troškovi promotivnih aktivnosti, bez jasno prikazane tržišne opravdanosti. Bilo koji drugi troškovi koji nisu u skladu s ciljevima Javnog poziva i ne doprinose realizaciji projekta.

Ministarstvo odobrava sredstva isključivo za troškove koji su opravdano potrebni za realizaciju projekata, u skladu sa Prijavnim obrascem. Troškovi koji nisu opravdano povezani sa projektima neće biti odobreni za sufinansiranje. Ukoliko prijava uključuje neprihvatljive troškove navedene u Prijavnom obrascu, izvršit će se umanjeње ukupne vrijednosti projekta za iznos tih troškova. Svako korištenje odobrenih sredstava suprotno namjenama utvrđenim tačkom V Javnog poziva smatra se nenamjenskim utroškom sredstava.

Rok za implementaciju projekta, iznosi najviše devet mjeseci od dana zaključivanja Ugovora.

VI KRITERIJI ZA IZBOR KORISNIKA

- Broj zaposlenih
- Vlastito učešće u ukupnoj vrijednosti projekta
- Broj članova Komore
- Korisnik sredstava Ministarstva privrede u prethodne tri godine (od 2023. do 2025. godine)

VII PRIJAVA PO JAVNOM POZIVU

Prijava na Javni poziv se vrši putem Prijavnog obrasca (**Aneks I**) koji se preuzima sa web stranice Vlade Kantona (www.vladausk.ba).

Uz Prijavni obrazac potrebno je dostaviti sljedeću dokumentaciju:

- a) Izjava podnosioca prijave o saglasnosti za obradu ličnih podataka (**Aneks II** – sastavni dio Odluke), potpisana i ovjerena od strane podnosioca prijave (preuzima se sa web stranice Vlade Kantona www.vladausk.ba);
- b) Ovjerena kopija Rješenja o registraciji od nadležnog organa i ovjerena kopija zadnjeg Rješenja o upisu promjena ukoliko je istih bilo, ovjera ne starija od tri mjeseca od dana objave Javnog poziva;
- c) Ovjerena kopija Uvjerenja o poreznoj registraciji (ID broj), ovjera ne starija od tri mjeseca od dana objave Javnog poziva;
- d) Original ili ovjerena kopija Uvjerenja Porezne uprave o izmirenju direktnih poreza, doprinosa za PIO/MIO, zdravstveno osiguranje, osiguranje od nezaposlenosti i porez na dohodak, kao i ostalih naknada i taksu, ne starija od tri mjeseca od dana objave javnog poziva;
- e) Original ili ovjerena kopija Liste osiguranika izdata od strane Porezne uprave ne starija od 30 dana od dana objave javnog poziva;
- f) Kopija bilansa stanja i bilansa uspjeha za 2025. godinu, sa pečatom prijema od strane Financijsko-informatičke agencije (FIA);
- g) Kopija dokumenta iz kojeg je vidljiv broj transakcijskog računa (ne može se mijenjati u proceduri dodjele sredstava) na koji će se sredstva doznačiti (ugovor ili karton deponovanih potpisa ili potvrda banke);

- h) Izjava podnosioca prijave da do dana objave Javnog poziva nisu koristili sredstva za predložene projekte iz budžeta Vlade Kantona, Ministarstva ili drugog izvora za realizaciju predloženog projekta (**Aneks III – sastavni dio Odluke**), potpisana i ovjerena od strane podnosioca prijave (preuzima se sa web stranice Vlade Kantona www.vladausk.ba);
- i) Izjava o vlastitom učešću finansijskih sredstava za realizaciju projekta (vlastito učešće u ukupnoj vrijednosti projekta iznosi najmanje 5%) (**Aneks IV – sastavni dio Odluke**), potpisana i ovjerena od strane podnosioca prijave, (preuzima se sa web stranice Vlade Kantona www.vladausk.ba);
- j) Ako postoji partner na projektu dostaviti dokaz o visini sredstava sa kojima će isti sufinancirati projekat (sporazum o saradnji ili ugovor ili izjavu). Izjava se dostavlja u originalu (potpisana i ovjerena od strane podnosioca prijave) i datum izjave ne smije biti stariji od tri mjeseca od dana objave Javnog poziva. Sporazum ili Ugovor se dostavlja u originalu ili ovjerenj kopiji i datum ovjere ugovora ili sporazuma ne smije biti stariji od tri mjeseca od dana objave Javnog poziva;
- k) Popis članova Komore ovjeren i potpisan od strane predsjednika Komore ne stariji od dana objave Javnog poziva.

Prijave će biti odbačene kao nepotpune i neće biti predmet daljeg razmatranja ako ne sadrže kompletnu dokumentaciju koja se traži Javnim pozivom.

Aneksi od rednog broja I do IV su propisani i isti se preuzimaju sa web stranice Vlade Kantona www.vladausk.ba

VIII OBRADA PRIJAVA I IZBOR KORISNIKA

Dostavljene prijave po Javnom pozivu razmatra Komisija koju Rješenjem imenuje ministrica Ministarstva i koju čine tri člana.

Komisija ima zadatak da:

- a) izvrši analizu ispunjenosti formalno-pravnih uslova i bodovanje pristiglih prijava u skladu sa ovom Odlukom i Javnim pozivom,
- b) sačini listu podnosioca prijava koji ispunjavaju formalno-pravne uslove sa ostvarenim brojem bodova i iznosom sredstava po svakom projektu,
- c) sačiniti listu podnosioca prijava čije su prijave neblagovremene, nepotpune i neosnovane.

Komisija uz Izvještaj o provedenom postupku po Javnom pozivu dostavlja liste iz ovog člana stav (2) tačke b) i c) Ministrici. Po odobrenju Ministrice, liste se objavljuju na web stranici Vlade Kantona: www.vladausk.ba.

Na objavljene liste podnosioci prijava imaju pravo prigovora koji se podnosi Ministarstvu u pisanoj formi, u roku od tri dana od dana objavljivanja listi na web stranici Vlade Kantona. O prigovoru odlučuje Ministrica. Odluka o prigovoru je konačna.

Po okončanju prigovora, Ministrica utvrđuje rang listu korisnika sredstava sa nazivom projekta, ukupna vrijednost projekta, vlastita sredstva u projektu i iznos sredstava Ministarstva u projektu. Po donošenju rang liste, Ministarstvo dostavlja Vladi Kantona prijedlog Odluke o usvajanju Programa utroška sredstava Budžeta Unsko-sanskog kantona za 2026 godinu na razdjelu Ministarstva privrede sa pozicije Grantovi neprofitnim organizacijama-Komore“. Donošenjem navedene Odluke, Ministarstvo sa odabranim korisnicima zaključuje Ugovor o dodjeli sredstava.

IX NAČIN DOSTAVLJANJA PRIJAVA

Prijave sa potrebnom dokumentacijom dostavljaju se neposredno na protokol Vlade Kantona ili preporučeno putem pošte, na adresu:

Ministarstvo privrede Unsko – sanskog kantona,
Ul. Alije Đerzeleza br.2, 77 000 Bihać
s naznakom:

*Prijava po Javnom pozivu „Grantovi neprofitnim organizacijama-Komore“
„NE OTVARAJ“*

Na poledini koverta obavezno navesti naziv podnosioca prijave i adresu

Rok za podnošenje prijave je **15 dana** od dana zadnje objave Javnog poziva. Neblagovremene prijave koje su dostavljene nakon isteka roka određenog Javnim pozivom neće se uzeti u razmatranje.

X IZVJEŠTAJ O UTROŠKU SREDSTAVA

Korisnici sredstava su dužni pravdati utrošak ukupnih sredstava (ukupna vrijednost projekta) predviđenih za realizaciju projekta, uključujući vlastita i dodijeljena sredstava Ministarstva. Za sva neopravdana sredstva, Ministarstvo će pokrenuti **proceduru povrata**, pri čemu se iznos povrata određuje proporcionalno učešću sredstava Ministarstva u ukupnoj vrijednosti projekta.

U toku implementacije projekta, korisniku sredstava se daje mogućnost da može izvršiti preraspodjelu odobrenih sredstava između projekata u okviru iste prijave po Javnom pozivu, uz uslov da ukupno odobrena sredstva ne budu prekoračena. Odstupanje u sufinansiranju pojedinačnog projekta može iznositi najviše do 20% u odnosu na iznos odobren za taj projekat. Povećanje sredstava za jedan projekat mora biti kompenzirano umanjnjem sredstava na drugom projektu unutar iste prijave. Korisnik sredstava je obavezan izvršenu preraspodjelu obrazložiti u Izvještaju o utrošku sredstava.

Korisnici sredstava su obavezni **dodijeljena sredstva Ministarstva i vlastita sredstva koristiti namjenski** i dužni su dostaviti Izvještaj na propisanom obrascu „Izvještaj o utrošku finansijskih sredstava“ sa kompletnom dokumentacijom kojom se dokazuje namjenski utrošak sredstava.

Pravdanje će se vršiti sa odgovarajućom dokumentacijom koja se dostavlja Ministarstvu:

- a) „Izvještaj o utrošku finansijskih sredstava“ - popunjen, potpisan i ovjeren od strane korisnika sredstava (**Aneks V** – sastavni dio Odluke), dostupan na web stranici Vlade Kantona www.vladausk.ba;
- b) Izjava o namjenskom utrošku sredstava (**Aneks VI** – sastavni dio Odluke), ovjerena kod nadležnog gradskog/općinskog organa ili notara (dostupna na web stranici Vlade Kantona: www.vladausk.ba);
- c) Računi **uz obavezan fiskalni račun** (ukoliko postoji zakonska obaveza za izdavanje fiskalnog računa) – original ili ovjerene kopije kod nadležnog gradskog/općinskog organa ili notara. Napomena: Račun na kojem nije jasno vidljiva specificirana stavka ili je isti prilikom sačinjavanja fotokopije prekriven fiskalnim računom, neće biti priznat kao dokaz prihvatljivog troška. Račun ne može biti stariji od dana potpisivanja Ugovora;
- d) Izvodi iz banke na kojima su pored uplaćenih iznosa vidljivi dokumenti po kojima je plaćanje izvršeno – kopija;
- e) Fotodokumentacija – ovjerena na poledini sa pečatom Komore;
- f) Druga relevantna dokumentacija kojom se može dokazati namjenski utrošak sredstava.

Rok za dostavu izvještaja je najkasnije 15 dana od dana isteka roka za implementaciju projekta.

Ministarstvo zadržava pravo traženja i dodatne dokumentacije i pojašnjenja kod provjere namjenskog utroška sredstava (pismenim i usmenim putem).

Ministarstvo vrši nadzor namjenskog trošenja sredstava odobrenih korisnicima na osnovu dostavljenih Izvještaja, a po potrebi i neposrednim nadzorom kod korisnika sredstava, a na osnovu valjanih izvora verifikacije navedenih u samoj prijavi.

Ukoliko Korisnik sredstava ne dostavi Izvještaj o utrošku sredstava ili nenamjenski utroši sredstva, Ministarstvo pokreće zakonom propisan postupak za povrat finansijskih sredstava.

XI OSTALO

U slučaju da prijavljeni projekti budu ocijenjeni kao posebno kvalitetni i da njihova ukupna vrijednost prelazi sredstva za implementaciju iz tačke IV Javnog poziva, Ministarstvo će nastojati obezbjediti dodatna finansijska sredstva.

U postupku po Javnom pozivu Ministarstvo zadržava pravo da poništi Javni poziv u bilo koje vrijeme do zaključenja ugovora, bez obaveze pismenog ili usmenog obrazloženja.

U slučaju nedostatka sredstava u Budžetu Kantona obustavlja se dodjela sredstava.

Ministarstvo ne snosi troškove nastale u vezi sa prijavom na Javni poziv.

Aneksi od rednog broja I do IV su propisani i dostupni na web stranici Vlade Kantona: www.vladausk.ba.

Sve dodatne informacije vezane za Javni poziv mogu se dobiti putem telefona: 037/316-038 ili na e-mail: privreda@vladausk.ba.

Broj: 06-11-4656-5/26
Datum, 16-04-2026 godine



MINISTRICA
Samra Mehić, scr.